

KOMMISJONSVEDTAK**2001/EØS/26/15****av 7. juli 1999****om ei felles teknisk forskrift om krav til tilkopling til det digitale fleirtenestenettet (ISDN) av utstyr til digital utvida snorlaus telekommunikasjon (DECT) (2. versjon) (*)***[meldt under nummeret K(1999) 2027]***(1999/498/EF)**KOMMISJONEN FOR DEI EUROPEISKE FELLESSKAPA
HAR –med tilvising til traktaten om skipinga av Det europeiske
felleskapet,med tilvising til europaparlaments- og rådsdirektiv 98/13/EF
av 12. februar 1998 om teleterminal- og satellittjordstasjons-
utstyr, herunder gjensidig godkjenning av utstyrets samsvar⁽¹⁾,
særleg artikkel 7 nr. 2 andre strekpunktet, og

ut frå desse synsmåttane:

- 1) I samsvar med artikkel 7 nr. 2 første strekpunktet i
direktiv 98/13/EF har Kommisjonen vedteke eit tiltak for
å klarleggje kva type terminalutstyr som ei felles teknisk
forskrift bør omfatte, og den tilhøyrande fråsegna om
verkeområdet for forskrifta.
- 2) Dei tilsvarende harmoniserte standardane eller delar av
dei som dei grunnleggjande krava skal gjennomførast ved
hjelp av, og som skal gjerast om til felles tekniske
forskrifter, bør vedtakast.
- 3) For å sikre at marknadstilgangen vert halden ved lag for
produsentar, er det naudsynt å fastsetje overgangs-
føresegner for utstyr som er godkjent etter nasjonale
forskrifter for typegodkjenning.
- 4) I samsvar med artikkel 29 nr. 2 i direktiv 98/13/EF er
framlegget lagt fram for Utvalet for godkjenning av
teleterminalutstyr (ACTE).
- 5) Den felles tekniske forskrifta som er vedteken i dette
vedtaket, er i samsvar med fråsegna frå ACTE –

GJORT DETTE VEDTAKET:*Artikkel 1*

1. Dette vedtaket skal gjelde for terminalutstyr som skal
koplust til eit offentleg telenett, og som fell inn under
verkeområdet for den harmoniserte standarden som er nemnd i
artikkel 2 nr. 1.

2. I dette vedtaket er det fastsett ei felles teknisk forskrift
om tilkoplingskrav til DECT-utstyr som gjev tilgang til ISDN.

Artikkel 2

1. Den felles tekniske forskrifta skal femne om den
harmoniserte standarden som det rette standardiseringsorganet
har utarbeidd, og som dei grunnleggjande krava i artikkel 5
bokstav c)-g) i direktiv 98/13/EF så langt råd skal
gjennomførast ved hjelp av. Tilvisinga til standarden er førd
opp i vedlegget.

2. Terminalutstyr som dette vedtaket omfattar, skal vere i
samsvar anten med den felles tekniske forskrifta som er nemnd
i nr. 1, eller med dei felles tekniske forskriftene som er
fastlagde i kommisjonsvedtak 98/515/EF⁽²⁾ og 97/523/EF⁽³⁾
eller 1999/310/EF⁽⁴⁾. Dessutan skal utstyret stette dei
grunnleggjande krava som er nemnde i artikkel 5 bokstav a) og
b) i direktiv 98/13/EF, og krava i andre direktiv som gjeld for
utstyret, særleg rådsdirektiv 73/23/EØF⁽⁵⁾ og 89/336/EØF⁽⁶⁾.

Artikkel 3

Når det gjeld terminalutstyr som kjem inn under artikkel 1 nr.
1 i dette vedtaket, skal dei melde organa som er peika ut til å
gjennomføre dei framgangsmåttane som er nemnde i artikkel 10
i direktiv 98/13/EF, nytte den harmoniserte standarden som er
nemnd i vedlegget, eller syte for at han vert nytta, når dette
vedtaket tek til å gjelde, eller dei skal nytte dei harmoniserte
standardane som er nemnde i vedlegga til vedtak 98/515/EF,
97/523/EF eller 1999/310/EF, eller syte for at dei vert nytta.

(*) Denne fellesskapsrettsakta, kunngjort i TEF L 192 av 24.7.1999, s. 60, er
nemnd i avgjerd i EØS-komiteen nr. 29/2000 av 31. mars 2000 om endring
av vedlegg II til EØS-avtala (Tekniske forskrifter, standardar, prøving og
sertifisering), sjå EØS-tillegget til Tidend for Dei europeiske fellesskapa nr.
27 av 15.6.2000, s. 7.

(1) TEF L 74 av 12.3.1998, s. 1.

(2) TEF L 232 av 19.8.1998, s. 7.

(3) TEF L 215 av 7.8.1997, s. 48.

(4) TEF L 119 av 7.5.1999, s. 57.

(5) TEF L 77 av 26.3.1973, s. 29.

(6) TEF L 139 av 23.5.1989, s. 19.

Artikkel 4

Dette vedtaket er retta til medlemsstatane.

Utfærd i Brussel, 7. juli 1999.

For Kommisjonen

Karel VAN MIERT

Medlem av Kommisjonen

*VEDLEGG***Tilvising til den gjeldande harmoniserte standarden**

Den harmoniserte standarden som er nemnd i artikkel 2 i dette vedtaket, er:

Digital Enhanced Cordless Telecommunications (DECT); Integrated Services Digital Network (ISDN);
Attachment requirements for terminal equipment for DECT/ISDN interworking profile applications

[Digital utvida snorlaus telekommunikasjon (DECT); digitalt fleirtenestenett (ISDN); tilkoplingskrav til
terminalutstyr der DECT og ISDN verkar saman]

ETSI

Det europeiske standardiseringsinstituttet for telekommunikasjonar

Sekretariatet

EN 301 440 V1.2.2 – januar 1999

(utan forordet)

Tilleggsopplysningar

Det europeiske standardiseringsinstituttet for telekommunikasjonar er godkjent etter europaparlaments- og rådsdirektiv 98/34/EF.

Den harmoniserte standarden som er nemnd ovanfor, er utarbeidd i medhald av eit mandat som er gjeve etter dei aktuelle framgangsmåtane i direktiv 98/34/EF.

Den fullstendige teksta til den harmoniserte standarden som er nemnd ovanfor, kan skaffast frå:

Det europeiske standardiseringsinstituttet for telekommunikasjonar
650, route des Lucioles
F-06921 Sophia Antipolis Cedex

eller

Europakommisjonen
DG XIII/A.2 – (BU 31, 1/7)
Rue de la Loi/Wetstraat 200
B-1049 Brussel

eller frå andre organisasjonar som har ansvaret for formidling av ETSI-standardar. Ei liste over desse organisasjonane er å finne på Internett-adressa www.ispo.cec.be.
